

中國方志叢書·華中地方·第八七五號

據

清·聶當世修，謝興成等纂
清康熙十二年刊本

影印

江 西 省

進賢縣志

(四)

成文出版社有限公司印行

中華民國七十八年三月臺一版

進賢縣志

共四冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

重刊縣志卷之十五

人物志

良吏

饒景暉字仲望萬曆己丑進士初授工部都水主事
累工大因諸璫飲羊椎武林端潔不苟獲漏稅者笑
遣之由是商旅願出椎額增三千金也知順慶爲治
簡靜訟牘幾空勸農進士步禱新年壽捐南建提學
寬嚴有體衡鑒得人獎郭兩生連科同學真異數也
歷忝知憲長有勸業周師訓他民矣暉條行八事

政有成乙卯神廟召對廷臣暉後至丰儀謁立上
目屬遂擢蜀撫會東餉初增徵調四出蜀又困棟木
暉疏蜀政十二要曲爲拊循清屯田蠲蕪侵漁者禁
萬頃歲省折色二萬四千有奇爲川永利會城圯則
捐貲修築歸然堅厚其後叛酋次成都百日不下川
公寔拜賜也方暉在事時蘭殊無叛意遂禪將欲自
行郡邑徵兵暉止之亟檄所部集武健益調蘭酋兵
二萬給行糧犒遣土漢兵皆惟躍赴遂秋毫無犯論
者曰海內調兵當以蜀爲法迨暉晉南右司馬去而

辛酉蘭齒之變成矣尋改北晉左協理戎政有阻者
抗辨優旨命部甄序而暉一意東山伯仲觴咏優游
數載卒奏卹贈兵部尚書賜祭葬晉階榮祿大夫著
有撫蜀奏議若干卷行世

饒景曜字廷獻贈兵部右侍郎及泉公第四子生而
孝友有器量尤沉毅寡言笑不以鋒穎示人人亦莫
能窺其際族尊行負知人鑒獨奇之決其異日必爲
棟梁具年十七補邑弟子員果聲稱燥遠近學使者
姚江鄒公學柱旆多士初首陳君良言繼得曜卷藏

冠軍餽于學乙酉遂登賢書壬辰成進士歸里謁當事極言里役爲豪右蠹胥賦稅情法不平又言敲朴太重非蒲鞭示辱意自是侵漁者按如律追比刑浸寬里人有欲陰暴其兄短者懷百金爲壽峻卻且開諭之里人由之感悟相好如初其操行不苟風愛及人類如此筮仕授比部郎秉心平恕務求生路時神廟在御鑛使四出中外抗疏爭之諸璫忿甚動以違旨劾奏逮治者甚衆大臣論救莫能解以曜清貞有執皆以屬之按祖宗法無所枉撓一再駁輒持法

如故權奄至爲蜚語撼之因慨然曰先朝貂璫擅柄
朝野冤痛至今今使無罪者更入死地豈不令張璠
之笑人千載乎廷尉及大司寇聞而矐之爲覆奏神
廟怒亦霽解網者數百人稱平允焉秩滿晉河南少
叅丁外艱服闋補浙東台紹道會浙學憲遷去曜以
文名重海內又居刑曹時有赫赫聲浙紳士爭欲得
曜搯衡鑒兩臺又加敬慕立推舉得俞旨拜命旣指
天日自盟以起衰得人爲已任莫不憚其嚴正無敢
以私干者是時會稽霍陽錢公視學江右而曜督兩

浙長子元琦與試錢不以同官子故錄科曜以錢公
子文體恠僻置下等兩先生易地而官聲氣莫逆人
咸服其古處云一時才雋畢收四十年間照耀仕籍
浙中人士以爲雷古和先生後一人而已乙巳脩兵
金衢設方畧勦竄盜浙東以安尋丁內艱不欲仕然
嚮望日隆辛亥遂起補浙江按察使管理南直隸獄
寧兵脩益秉正疾邪風裁視刑曹時加峻而宣城某
公勢焰張甚九卿子弟爲所媒孽致大獄承問諸有
司率顧望莫敢直曜厲聲曰吾輩官可掾安可爲殺

人媚人之事卒辨其誣正告訐者罪寃人感之稱其
明斷似包龍圖不畏強禦顗趙清獻不誣也陞四川
右布政未任卒

饒景暉字叔淨乙未成進士授保定府推官申明五
聽之義庭無寃獄其時獲响馬盜三人內一老一少
詢知爲父子也經上臺發牒照例皆斬暉謂父子就
戮太慘卽拘鄰里保其子教戒再三竟釋之上臺嘉
譽已亥丁外艱壬寅起補楊州府推官推舉銓部第
一癸卯江南武闈以副留守坐次違制暉持舊例抗

忤直指拂衣歸事下吏部覆疏云某官清風亮節實
聲四起以禮議罰事屬苛求姑從平調以勵官箴又
云調一推官而人知有法紀量調一推官而人知有
官評乙巳起補永平府推官未任卽行取疏救先爲
建論東宮下獄舊臺臣翟學程辭甚勁懇尋補祠部
郎在客司議四方款貢儀曹議宗藩冒濫及開科正
文體諸事戊午陞潁州兵備叅政陞廣東按察司使
又三年陞廣東右布政使以左藩內轉署卽一月有
白艚之變事由按臣陳某係閩人米商千百艘蜂集

粵海米價翔貴擁太守控按臺按臺祖閭商致百姓
羣噪鼓亂辱及按臣曄時聞報自立署外止百姓之
紛會按臣裸袒踰垣至遂身庇之百姓見曄處置得
宜各散去乃按臣自慚反論曄坐視疏下銓部擬罰
俸曄乃解綬竟歸識者服其進退之節云

饒位字廷立已卯領鄉荐第一庚辰成進士授內黃
知縣節愛廉明撫摩脩至以卓異奏最擢河南道御
史先是張江陵執柄以不下內艱朝臣論列悉廷杖
落職諸賢久錮位獨昌言起廢縷縷數千言直聲大

振西戌巡按貴州養病未任己丑起補巡按廣西飭吏卹民服奸戢暴干裁表著壬辰巡按廣東未任本年改南京督學御史拔識人才鼎甲公輔三吳四十年間爲世聞人公所拔爲多要路竿牘一切謝絕坐是忤時遂告致歸二十餘年迨光皇踐祚起陞尚寶司卿辛酉陞太僕少卿壬戌陞大理少卿陞光祿卿癸亥陞大理寺卿讞獄平恕屢雪幽寃甲子陞工部右侍郎時大工浩繁目擊時艱以百歲老母告歸侍養位通籍五十年居不增椽田無益畝識者無不服

其清執者

饒伸字廷抑十三遊膠序督學邵公見而奇之十八
登賢書癸未成進士授刑部主事省斷清聽時掌提
刑有豪僕游七相沿輕縱公重加懲創雖觸忌本堂
弗顧也李給諫謂漢唐張徐當不是過伸頗厭浮沈
宦局乞假歸里博綜往古不數年著學海數百卷今
君道二百二十四卷刻行世已復補刑曹露章極言
科場事忤上廷杖削籍家居五年薦剡特起南工曹
卽應受關差俱謝不就調南吏部驗封司主事考績

請告會恩詔起陞考功司郎中吏典班辦悉從寬免
計貲不下數千南都仰其優卹丁外艱回籍續成學
海君道大禮大祀征伐等部三百餘卷皆手自編摩
寒暑不輟光皇踐祚賜環陞光祿少卿尋遷大理右
丞轉北大理左丞太常少卿爰書祀典皆自裁決執
事有恪陞太僕寺少卿管東路少卿事親歷牧圉洞
悉情弊罔政一清疏陳聖學理財用人曲盡忠懇甲
子陞少司寇署部事五年璫焰初熾大獄頻興爭事
羅織爲媚八一遵平恕朝審熟審轉死爲生者居多

其李國戚一案璫勒以不赦處之伸確玉八議之恤殊忤璫怒時伸壽母百齡抗疏六上乃予侍養伸居家無長物學有本源尤精易理撰會解實補程朱所未逮也

饒景陽字廷升中萬曆戊子科鄉試戊戌中會副比年授澧州知州問民疾苦與以安全防吏奸囂嚴爲振制丁內艱服滿補任薊州一年因修城堡有功陞刑部郎中奉差恤刑貴州全活疑獄死命者三百有奇陞福建汀州府知府以鋤強扶弱懲貪摘奸爲本

在任蠲資賑饑建塔造橋地方永利鐵耳冰心之誼
閩地爭傳不朽特建生祠二所置祠田數十畝香火
至今奉祀歷任六載以清廉陞廣西提刑按察司副
使分守倉梧道未及任而卒

陳應元字孕初少試邑郡輒最爲諸生不羈所得館
餼俾厥弟仲觀經紀供賓客四十三始舉于鄉明年
庚戌成進士意氣如諸生時待貧士無異貴者卽所
仇怨亦無異所厚者起家比部郎有方士孫全挾房
中術長安貴人多與之遊每購人子女年十三四庸

理充悅者啗以脂腴久之以合藥物取重貨事覺諸
貴爲請者書盈案元斥不視自主者立令伏法不少
貸平反毋獄所活以二百計時兩粵開府周公嘉謨
清嚴不妄交與每聞元謝絕州縣餽嘆曰公何以治
裝歸耶月爲三四置酒必極驩承筐是將嘗從容曰
吾故爲令有枉囚欲爲脫未果迄三十年其人稿項
垂盡矣向讀其爰書愴然悲之吾幸不死復及見公
之活此人也感慨稱嘆者久之粵人戶戶祝有生祠
守延平下車詢民所苦益厲清操庭不設大杖視事